

Broj: 01-04/03-545/2023
Sarajevo, 28.03.2023. godine

Bosna i Hercegovina
Federacije Bosne i Hercegovine
PARLAMENT FEDERACIJE
SARAJEVO

Primljeno: 04-04-2023			
Org. jed.	Broj	Priloga	Vrijednost
05/1	1-02-	96	123

VLADA FEDERACIJE BOSNE I HERCEGOVINE
GENERALNI SEKRETARIJAT
N/r Sekretara

PARLAMENT FEDERACIJE BOSNE I HERCEGOVINE
PREDSTAVNIČKI/ ZASTUPNIČKI DOM
N/r sekretara

Gdin. Mario Karamatić
Poslanik u Predstavničkom domu Parlamenta Federacije BiH

PREDMET: Odgovor na poslaničko pitanje, dostavlja se,-

VEZA: Vaš akt broj: 03-04-320-22/23 od 21.03.2023. godine

Poštovani,

Federalno ministarstvo poljoprivrede, vodoprivrede i šumarstva zaprimilo je Vaš dopis, u u čijem prilogu je dostavljeno poslaničko pitanje poslanika u Predstavničkom domu Parlamenta Federacije Bosne i Hercegovine, gđina Maria Karamatića, a kojim je zatraženo dostavljanje odgovora na pitanje koji se predmeti izučavaju u srednjoj školi (medresi) a da su posvećeni poljoprivredi, u kontekstu zapošljavanja državnih službenika i namještenika u ovom Ministarstvu.

Shodno navedenom, dostavljamo sljedeći odgovor:

Zakon o državnoj službi FBiH ("Službene novine Federacije BiH"; br. 29/03, 23/04, 39/04, 54/04, 67/05, 8/06, 4/12, 99/15, 9/17- Odluka Ustavnog suda FBiH, broj U13/16) jasno propisuje procedure zapošljavanja državnih službenika a članom 25. istog zakona propisuje opće uslove za postavljenje državnih službenika.

Procedura zapošljavanja i popuna upražnjenih radnih mjesta definirana je Zakonom o državnoj službi Federacije BiH (poglavlje IV – premještaj, zapošljavanje, ocjena rada i unapređenje). Članom 25, stav 1, tačka c) ovog Zakona propisano je da je opći uslov za postavljenje državnog službenika: "da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja".

Dakle, zapošljavanje u organima državne službe vrši se na osnovu Zakona o državnoj službi Federacije BiH, uvjeta i kriterija propisanih navedenim zakonom i ostalim podzakonskim aktima.

Agencija za državnu službu Federacije BiH provodi konkursne procedure u kojima su, između ostalih, jasno naznačeni opći i posebni uslovi, te osigurava zakonito, transparentno i pravilno provođenje konkursnih procedura.

Medresa je srednja škola čiji je nastavni plan i program najbliži gimnazijskom nastavnom planu i programu u smislu izučavanja istih predmeta jezičkog, prirodno-matematičkog, društvenog i multidisciplinarnog područja. S tim u vezi, osobe koje završe navedenu srednju školu te upišu i završe fakultet, uz ispunjavanje općih i posebnih uvjeta propisanih konkursnom procedurom, mogu aplicirati na javne konkurse na kojima je uslov visoka stručna sprema.

Ovo Ministarstvo nema nijednog zaposlenog namještenika sa završenom srednjom školom – medresom. Državni službenici, primljeni u radni odnos u mandatu ministra Šemsudina Dedića, su primljeni sa VSS u skladu sa Zakonom o državnoj službi Federacije BiH i uslovima propisanim Pravilnikom o unutrašnjoj organizaciji Federalnog ministarstva poljoprivrede, vodoprivrede i šumarstva.

Netačna je tvrdnja da su gotovo svi zaposleni službenici (muškarci) završili medresu. U Ministarstvu postoje tri državna službenika koji imaju završenu srednju školu medresu, međutim isti su nakon srednje škole diplomirali na Poljoprivredno-prehrambenom fakultetu odnosno na Fakultetu političkih nauka, Odsjek za komunikologiju, Univerziteta u Sarajevu, te su s visokom stručnom spremom, primljeni na radna mjesta koja obnašaju, a što je provedeno zakonito putem Agencije za državnu službu FBiH.

S poštovanjem,


MINISTAR
mr.sc. Šemsudin Dedić

Dostaviti:

1. Sekreterijat Vlade Federacije Bosne i Hercegovine, Ul. Hamdije Čemerlića br. 2, 71000 Sarajevo;
2. Predstavnički/Zastupnički dom Parlamenta Federacije Bosne i Hercegovine, Ul. Hamdije Kreševljakovića br. 3, 71000 Sarajevo;
3. Mario Karamtić, zastupnik u Predstavničkom/Zastupničkom domu Parlamenta Federacije Bosne i Hercegovine, Ul. Hamdije Kreševljakovića br. 3, 71000 Sarajevo;
4. a/a.